



**Pisortat inissiaataannik attartortut inissiat pitsaassusaat aallaavigalugu, immikkoortortaqarfiit aningaasaqarnerannut ajorseriaataannigitsumik, attartornermut akiliuteqartalersinnaanerannut periarfissat misissoqqullugit kiisalu misissuinermi ilanngullugu attartornermut akiliutit attartortullu akiliisinnaassusaat eqqarsaatigalugit ineqarnermut tappiissutit naapertuunneersut misissoqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Kristian Jeremiassen, Siumut)  
(Siullermeenera)

Demokraatini isumaqarpugut, attartornermut akiliut ima annertutigisariaqartoq, ineqartut immikkoortortaqarfii inatsisitigut piumasqaatinik naammassinnissinnaanngorlugit, ineqartut immikkoortortaqarfiani attartornermut akiliutit tamakkiisut qaffasissuseqassallutik, ineqartut immikkoortortaqarfii, ingerlatsinermut, aamma aserfallattaaliinermut, allaffissornermut, akilersuutitut, ileqqaarnernut aamma aningaasaliissutit iluanaarutitaannut, piginnittumut akiliutaasussanut akissaqartilerlugit.

Ukiorpaalussuarni takunikuuagut illut amerlasuut isaterneqarneq ajortut aamma piffissaagallartillugu aserfallattaalineqarneq ajortut, tamatumalu kinguneranik inissiarpaalussuit pitsaajunnaarsimapput. Illut aserfallanneranut pissutaaqataavoq ajortumik aserfallattaaliisoqartarsimanera. Taamaattumik attartornermut akiliut ima appasitsigisunngorlugu inississanngilarput allaat ajunngitsumik aserfallattaaliisarnisaq akissaarullugu.

Demokraatini iluarisimaarparput immikkoortoq pineqartoq Naalakkersuisut annertuumik misissulermassuk aamma ajoriffissaqartinngilarput uuma siunnersuutip oqallisiginerani saqqummiunneqartut misissuinermut ilanngunneqarsinnaassappata. Siunnersuut Sanaartornermut Ataatsimiititaliamut innersuupparput.